

Kelolaan: SALWANI MD ZAIN salwani@sinarharian.com.my

PCC bawa mesej penyatuan

Putra Canselor Carnival (PCC), program anjuran Majlis Tertinggi Mahasiswa Kolej Canselor, Universiti Putra Malaysia (UPM) yang diadakan setiap tahun bermula 2012, kini dijayakan buat kali kelima. Ia membabitkan penglibatkan masyarakat daripada pelbagai lapisan, dari tingkat sosial ekonomi A hingga E.

Menurut pengarah program, Rosni Muhammat Daut, program bertaraf kebangsaan itu diadakan untuk membentuk sahsiah masyarakat yang cemerlang dan seimbang dengan tema penyatuan.

"Program itu bertemakan *Color Up Your Life!* menyatukan perbezaan dari segala aspek meliputi bangsa, agama, dan kaum. Perbezaan tidak dianggap sebagai halangan, tetapi rahmat kepada rakyat Malaysia," katanya.

Tambahnya, berbeza dengan tahun lalu, kali ini ia berkonsepkan amalan gaya hidup sihat demi keperluan pembangunan negara.

PCC kembali dengan konsep lebih kuat, menekankan perpaduan sebagai alat penting untuk membentuk keharmonian Malaysia pada hari ini.

Melalui program ini, pelbagai aktiviti yang berlainan konsep



Tun Jeanne bersama Timbalan Naib Canselor HEPA UPM, Prof Datuk Dr Shatar Sabran, (dua,kiri) ketika merasmikan Putra Canselor Carnival melalui program *Tree For Life*.

disatukan di bawah satu naungan. Terdapat 23 aktiviti dijalankan antaranya, *Putra Color Run* dan *Putra Cycling: Cycle for One* yang menjadi tunjang bagi menjayakan PCC pada kali ini.

Karnival yang dirasmikan oleh Tun Jeanne Abdullah itu juga menekankan konsep pertanian selaras aspirasi universiti, iaitu "Pertanian, Inovasi, Kehidupan" melalui program

penanaman pokok, *Tree For Life*.

Golongan yang kurang bernasib baik juga diberi perhatian. Khidmat bakti dihulur kepada anak-anak yatim dari rumah anak yatim terpilih melalui program *Charity Missions: Miles of Smiles*.

Program ini mendapat tajaan utama OPPO Smartphone, membawa satu wadah untuk membentuk masyarakat yang bersatu padu.